

La vôs di pre Antoni Beline e continue a jessi vive in grazie de publicazion de sô Opera Omnia. Il so ultin libri "Tiere di confin" al è stât riproponut par cure di Glesie furlane. » DI CHRISTIAN ROMANINI

Ancje se al è mancjât tal Avrîl dal 2007, la vôs di pre **Antoni Beline** e continue a jessi vive in grazie de publicazion de sô Opera Omnia.

Il progjet, nassût tal 2009, cun tun finanziament fundamentâl de Provincie di Udin, al propon an par an par cure di Glesie Furlane tescj ineditis o riedizions di libris che aromai a jerin lâts esaurîts. L'ultin libri ripublicât al è "Tiere di confin" che al jere za stât editât di Ribis, che par cheste ocasion al à concedude la pussibilitât di riproponilu.

UN PAS INDENANT

Come che si lei te jentrade, l'autôr stes al fâs cualchi riflessione introduttive su cheste sô esperience leterarie "O ai metût, tal componi, il stes spirt, il stes cûr, la stesse anime di simpri. O varai partant i stes amis e i stes disamis. Ma l'impuartant al è fâ un pas indenant par cognossi plu a font i miei pais e par lassâ une memorie di lôr tun moment e tun mont che pai piçui e pe lôr culture umane e cristian a 'nd è simpri mancûl larc e atenzion".

Peraulis une vore atuâls, ma che a smaravein une vore, no dome parcè che pre Antoni al è vot agns che nol è plu, ma so redut parcè che la date che si lei dapît de jentrade e je "Rualp e Val e Trelî, ai 11 di Mai dal 1981".

In cheste opare pre Antoni al

Confessions di une tiere



filosofie di vite e sens religjôs de int. Si cjatin chei nons che, come

che al diseve il stes Beline, i àn permetût di imparâ une gnove pagjine di teologie, no fate di libris e di teoriis e elucubrazions astratis, ma di vite e di cuotidianitât des personis veris: pre Bepo, il Guizardo, la Marie da la Anzule, la Marie de Vuiche... che cu la lôr sapience popolâr i àn viert une altre maniere di frontâ il mont, ancje se chei pais a jerin, e a son, poiâts su lis monts de Cjargne.

Simpri te jentrade pre Antoni al fâs ancje une raccomandazion al letôr "O domandi la onestât di cjâlâ il libri dut insieme, no perauale par perauale, magari sielzint a pueste la plui strambe. Si à di leilu cun chel voli clâr e cun chel cûr libar che o ai doprât tal metilu jù. Nol è un libri di contis o di sflocjis, par ridi, ma la confession di un predi e di une int. E si sa che cuant che si confessisi in place si zuie il nestri onôr o la nestre condane".

Par plui informazzions su lis publicazzions di Glesie Furlane: www.glesiefurlane.org.

conte la sô esperience di plevan di pais in Cjargne e si pues considerâle une sorte di continuazzion di un altri libri ambientât in chei agns e in chei lûcs, 'Misteris glorioss'.

GNOVE PAGJINE DI TEOLOGJIE

Ancje chest al à la stesse struttura di contis, fats, storiis, cavîi,

■ SOCIETÂT FILOLOGJICHE

Un progjet pe lavagne plurilengâl

La Societât Filologjiche Furlane e je a cjâf dal progjet La lavagne plurilengâl, finanziât de Arlef, che al met in rêl l'Isis Stringher e il liceu scientific Marinelli di Udin, l'Isis Mattei di Tisane, la Societât scientifiche e tecnologjiche Furlane e l'Ufici scuolastic regional pal Friûl Vignesie Julie. Obietifs a son la promozion dal plurilinguism e de lenghe furlane intune prospettive multicultural e europeane e la promozion dal insegnament Clil (Content and language integrated learning, ven a stâi aprediment integrât di lenghe e contignûts) in lenghe furlane tes superiôrs.

Si fasarà, a mieç di laboratoris di classe, ativitât di sensibilizzazion dai students sul plurilinguism in Europe e sul ûs de lenghe furlane in situazzions difarentis: chescj laboratoris, gratuîts e cence spesis ni pai students ni pes scuelis, a saran di une o dôs oris l'un, in orari curicolâr o extracuricolâr. I arguments e i docents, insieme cun dutis lis informazzions sul progjet, si cjatin su www.lavplu.eu.

SCOLTADIS DI DRIUS

Il miôr ami


Ogni matine o voi a cjaminâ cul cjanut. E mi fermi vulintîr a bevi cualchi tai. El cjan al'è veramentri el miôr ami da l'omp. Nol spie.

Euronews informa

Fibre otiche, cabladis il 40% des stradis provinciâls

Mattiussi, "Impegn par slargjâ l'acès a internet a alte velocitât util ancje par potenziâ la tutele dal demani stradâl di competence e pe sigurece de circolazion"

A son 480 i chilometri di strade di competence de Provincie di Udin che a àn la fibre otiche. Ai tocs za cablâts si 'nt zontarâ un gnûf di cirche 25 chilometri par cure di Infratel, sogjet che al à atuât il program "Banda Larga" a nivel nazional delegât dal Ministeri pal svilup economic - Dipartiment des comunicazzions. Te ultime sentade de Zonte provinciâl la aprovazion de gnove colaborazion su propueste dal vicepresidente cun deleghe ae viabilitât e ai traspuarts Franco Mattiussi. Cun chest intervent la percentuâl di infrastrutturazion de rêl varie e sarâ dal 40% par efiet des iniziattivis svilupadis di Insiel (progjet Ermes - pe plui part), di sogjets privâts dal mont des telecomunicazzions e di Infratel cul toc che al vignarâ fat. Obietif des variis operazzions: slargjâ la rêl varie cun bande largje par cancelâ il digital divide che al ostacole l'acès ai servizis di conession internet a alte velocitât di bande di citadins e impresis. "Servizis che a coventin in chest moment



economic soledut pes aziendis - al dis Mattiussi -. Ancje la Provincie e à fate la sô part metint a disposizion la rêl stradâl di competence par permeti la difusion di cheste teologie di infrastrutture che e covente par podè competi. Chest intervent al à vantaç ancje pal Ent - al zonte Mattiussi - stant che al cree lis cundizions par potenziâ la acuisizion

dai segnâi de strumentazion che si dopre, par esempi, tai magazens stradâi o tai sotpàs pal control dai inagaments par garantî i standard di sigurece ae circolazion".

La azion che e sarâ fate di Infratel in acuardi cu la Provincie e ven drenti dal program di interventi infrastruturâi tes areis pòc dopradis, che a coventin par facilitâ l'adeguament des rêts di comunicazion eletroniche publiche e private ae evoluzion tecnologjiche e ae furnidure di servizis di informazion e comunicazion dal País. Vincjecinc i chilometri interessâts dal intervent di potenziament. Di là de rêl varie la convenzion e permet a Infratel SpA di doprâ areis par instalâ implants o aparâts atifs di rigjenerazion e distribuzion dai segnâi traspuartâts, che a coventin pe ativitât di telecomunicazion. Infratel, cun di plui, e fasarà i racuardis par potenziâ il colegament ae rêl dai sîts di interes provinciâl (scuelis, magazens, motorizzazion civîl).

ilfriuli@ilfriuli.it